

東台縣志稿卷四

列女

朱氏袁鶴雲妻夫故氏年二十九歲事姑承順撫孤  
讀書立業溘孤早逝媳遺腹生子夭殤立姪孫為  
嗣已守節四十二年

杭氏顧領妻夫故氏年二十六歲事姑撫孤食力自  
度守節已六十一年

任氏王國璐妻夫故氏年二十九歲家貧事翁姑甘  
旨無缺撫子成立勤勞鍼黹已守節四十四年

夏氏呂俊妻夫故氏年二十五歲孝邁姑撫子女婚

民國東台縣志稿

烈女

一

嫁孫亦受室子與孫皆沒撫曾孫已守節五十年  
趙氏杜殿妻夫故氏年三十年孀姑久病氏晨夕親  
事湯藥撫三孤勤鍼黹度活至日夜不息息則饗  
殮不繼東台縣葛獎以松筠勁節額守節三十八  
年没

姜氏汪道成妻夫故氏年二十二歲勤紡織以卷翁  
姑自耐飢寒弗以為苦撫孤守節二十二年没

姜氏潘殿榮妻夫故氏年二十六歲守節撫孤已三  
九年

楊氏呂桂齡妻夫故氏年二十六歲孝翁姑撫遺腹

子守節四十三年

唐氏姜令望妻夫故氏年十九歲撫數月遺孤至六歲殤立姪為嗣不以苦節易其操

丁氏朱愷妻夫故氏年二十一歲常思貧苦守節尤難於富者因捐送郵嫠局草田若干畝  
已守節五十六年

楊氏朱麗軒側室夫故氏年三十歲矢志守節老而不變已守節三十四年

李氏諸肇榮妻夫故氏年二十二歲撫孤守節已三十九年

鍾氏宣舜妻夫故氏年二十八歲事翁姑撫孤守節三十四年沒

朱氏宋采章妻夫故氏年二十七歲苦志撫孤守節已三十九年

馮氏周人瑞妻夫故氏年二十七歲孝孀姑撫三孤親井臼勤鍼黹已守節三十四年

丁氏袁均妻夫故氏年二十二歲事翁姑撫嗣子鍼黹為生勤勞致疾守節十四年沒

張氏王璐妻夫故氏年二十歲守節十九年沒

康氏呂繁妻夫故氏年二十七歲守節十四年沒

陳氏呂儒妻夫故氏年二十九歲守節十五年沒  
朱氏劉壽堂妻夫故氏年二十六歲事姑如母苦節  
孤已三十八年

侯氏馬立生妻夫故氏年二十六歲守貧苦守奉孀  
姑甘旨無缺撫子女成立已守節四十四年

趙氏徐宏遂妻夫故氏年二十四歲事邁姑撫孤皆  
取給於鍼黹已守節五十三年

孫氏周萬言妻夫故氏年二十七歲守節已四十五  
年

蕭氏梅瑾妻夫故氏年二十六歲撫孤守節已二十

七年

崔氏王漢雲妻夫故氏年二十九歲家貧苦守敬邁  
姑撫孤已守節四十年

李氏沈芹妻夫故氏年二十二歲守節撫孤已四十  
六年

蕭氏顧鶴亭妻夫故氏年二十七歲撫孤睦族人稱  
其賢守節三十九年沒

周氏楊浩妻夫故氏年二十五歲夫病刲股進愈事  
翁姑撫孤姑與孤繼沒宗祧莫續氏勸翁繼娶生  
一子氏為撫之成立守節三十三年沒

周氏劉朝模妻夫故氏年三十歲守節二十九年

劉氏李廣玉妻夫故氏年二十二歲家貧無嗣事衰邁翁孝已守節四十九年

汪氏趙光敏妻夫故氏年二十七歲撫遺腹子至六歲沒孝翁姑翁姑沒歸母家與弟婦同守節汪已守節三十年

王氏鍾鴻儒側室夫故氏年二十三歲撫孤守節嫡庶相依守節四十七年沒

周氏吳懋志妻夫故氏年三十歲事病姑湯葯衣不解帶者數年撫子女婚嫁積勞成疾守節二十九

年沒

王氏吳愛妻夫故氏年二十五歲事翁姑撫嗣子已守節三十七年

劉氏陸文華妻夫故氏年十八歲孝翁姑守節三十三年

繆氏于菖妻夫故氏年二十九歲孝翁姑撫孤媳周以夫沒依姑守節繆已守節三十八年

盧氏周禮妻夫故氏年二十七歲誓死守節立姪為子孝翁姑和妯娌士林中往往見而賢之守節三十三年沒

張氏王德成妻夫故氏年二十五歲孝姑撫孤守節三十一年

張氏儒童王自厚妻夫故氏年二十七歲孝翁姑撫嗣子守節六十二年

丁氏趙澧有妻夫故氏年十九歲守節六十三年

江氏羅允吉妻夫故氏年二十七歲守節六十五年

胡氏金繩武妻孝翁姑守節

楊氏朱景劉妻夫故氏年三十歲夫病刲股進愈事邁翁撫二孤歲飢藿食自充守節三十年没

吳氏丁培齡妻夫故氏年二十五歲事翁姑勤鍼黹以供菽水守節已三十年

王氏袁廷榆妻夫故氏年二十七歲事姑撫子從一而終已守節三十年

萬氏劉耀先妻守節撫孤

繆氏沈崑妻守節十五年没

杭氏周廷瑶妻夫故氏年二十九歲撫姪為子姑病刲股進愈已守節三十一年

陳氏黃詔妻夫故氏年二十八歲孝翁姑生事死葬無不以禮鄉人稱之已守節三十七年

顧氏黃讚妻夫故氏年二十一歲已守節四十七年

趙氏崔隆聚妻夫貿易遠方以時疫終氏年二十八歲守節事姑撫孤已四十二年

陳氏顧載盛妻夫故氏年二十六歲事翁姑撫孤已守節三十九年

顧氏周冠群妻夫故氏年三十歲矢志守節四十九年

金氏楊錫五妻夫故氏年三十歲日夜勤紡織撫孤已守節二十八年

周氏徐子文妻夫故氏年二十八歲事邁姑撫遺孤以鍼黹工度日已守苦節三十年

劉氏袁卓人妻夫故氏年二十二歲守節撫孤已四十七年

華氏劉楚懷妻夫故氏年二十九歲苦節自矢已守節三十七年

周氏吳旦秀妻夫故氏年二十九歲孝翁姑苦節撫嗣三十九年

傅氏孫喬儒妻夫故氏年二十六歲撫嗣子授室子歿伶仃孤苦逾十年沒

宣氏杜春林妻夫故氏年二十六歲撫孤守節已四十年

張氏陳廷璧繼妻夫故氏年三十歲冰霜自勵守節二十九年

劉氏儒童孫元慶妻夫故氏年二十六歲孝孀孤撫子女有養有教守節四十四年沒

潘氏儒童孫學熊妻夫故氏年二十八歲苦節事翁姑撫子女成立里人重之已守節五十年

朱氏孫竹友妻夫故氏年二十九歲苦節事姑承順無倦已守節二十九年

顧氏拜龍標妻夫故氏年二十六歲忍飢事姑撫孤矢不再嫁守節五十一年沒

蔣氏陸元音妻夫故氏年二十八歲守苦節三十四年沒

杜氏侯景融繼妻夫故氏年二十九歲守節撫孤好善樂施已守節四十年

顧氏龐鴻達妻夫故氏年二十九歲守節已五十一年

李氏龐鴻遠妻夫故氏年二十五歲守節已四十九年

馬氏施文藻妻夫故氏年二十六歲教姑學楷書鄉里皆奇其人已守節四十一年

蕭氏趙義和妻夫故氏年二十四歲孝姑撫孤已守

節三十二年

宋氏顧家謨妻夫故氏年二十六歲守節已二十九

年

徐氏顏占岳妻夫故氏年二十七歲苦節已三十七

年

呂氏周元鑑妻夫故氏年二十八歲苦節已三十七

年

繆氏周士裘妻夫故氏年二十六歲守節已四十一

年

民國東台縣志稿

烈女

八

張氏馮慶元妻夫故氏年二十七歲孝孀姑勤苦守

節已三十年

章氏張廷儒妻夫故氏年三十歲守苦節四十六年

沒

王氏吳加年妻夫故氏年二十六歲苦節已三十八

年

夏氏常士盛妻夫故氏年二十一歲歷節已五十二

年

翟氏馮立勛妻夫故氏年二十八歲苦節孝孀姑督

學童頒額表其行已守節二十七年

陳氏程啟儒妻夫故氏年二十七歲苦守已四十四年

周氏陳鶴年妻夫故氏年二十六歲守節已三十五年

張氏陳以松妻夫故氏年二十九歲已守節四十五年

郝氏張福隆妻夫故氏年二十四歲苦節三十六年  
沒

張氏廩生徐鵠側室夫故氏年二十七歲撫嗣子教  
養備至操行彌堅守節五十一年沒

民國東台縣志稿

烈女

九

房氏郭瑜繼妻夫故氏年二十六歲守節二十六年  
沒

吳氏周人楷妻夫故氏年十九歲孝邁姑撫孤守節  
已二十六年

梅氏李壯猷妻夫故氏年二十四歲守苦節六年沒  
王氏江曙妻夫故氏年二十歲守節二十八年沒

何氏儒童姚漢妻夫故氏年二十二歲守節三十八  
年沒

張氏儒童田花妻夫故氏年二十八歲守節二十六  
年沒

王氏吳常德妻夫故氏年二十一歲家貧以鍼黹工  
供翁姑甘旨鬻奩具以備喪葬守節四十七年没  
房氏周昌福妻夫故氏年二十五歲苦節二十七年  
没

王氏武慶隆妻夫故氏年二十八歲堅節操已三十  
年

申氏王可聘妻夫故氏年二十歲姑病刲左臂肉進  
痊後翁姑繼没耐苦謀喪葬撫孤守節三十三年  
没

龐氏顧林章妻夫故氏年二十九歲赤貧撫孤已守

民國東台縣志稿

烈女

十

節四十七年

陸氏吳桂芳妻夫故氏年二十一歲撫孤守節已四  
十七年

沈氏盧學才妻夫故氏年二十八歲苦節撫孤歷三  
十九年没

陳氏王連山妻夫故氏年二十七歲孝姑撫孤學院  
青頰完節垂型額守節五十四年歿

許氏何先藻妻夫故氏年二十三歲孝孀姑撫嗣子  
守節三十二年没

仇氏丁大元妻夫故氏年二十六歲守節已三十三

年

丁氏林永坤妻夫故氏年二十歲孝翁姑撫孤守節已三十六年

申氏王想禧妻夫故氏年三十歲家貧以鍼黹工養

姑姑沒歸母家事母亦已孝聞守節三十二年

王氏金佩華妻夫故氏年二十五歲孝翁姑立姪為

子守節四十年沒

胡氏袁鶴慶妻夫故氏年二十八歲守節撫孤壽七

十六沒

羅氏汪心培妻夫故氏年二十一歲苦守已三十二

年

羅氏胡漸妻夫故氏年二十三歲守節已三十六年

許氏儒童陳朝珍妻夫故氏年二十五歲邁翁久病

奉醫藥不懈

韋氏楊可與妻夫故氏年二十八歲撫孤守節三十

六年沒

李氏潘開齡妻夫故氏年二十二歲撫孤守節已四

十九年

陳氏卞嘉祿妻夫故氏年二十六歲勤苦自勵孝翁

姑撫孤守節已四十

曹氏周瑞鑾妻夫故氏年三十歲孝翁姑撫孤已守節四十九年

陸氏楊秋蓉繼妻夫故氏年二十四歲姑沒孝邁翁及祖姑撫前妻子成立子亾撫孫卹族党守節四十年

韓氏陳鍾華妻夫故氏年二十五歲孝邁翁撫嗣子已守節三十七年

崔氏許爾玕妻夫故氏年二十五歲孝孀姑撫孤積勞病沒守節十年至今人猶述其艱苦云

姚氏儒童張文煊妻夫故氏年三十歲孝翁姑立姪為子已守節四十三年

陳氏傅三南妻夫故氏年二十七歲撫遺腹孤成立媳黃沒繼娶盧孤又沒盧與姑孀守撫孫姑守節三十五年沒

顏氏袁司樂妻夫故氏年二十歲撫孤受室生子子殤孤又沒姑媳同守節東台縣張獎節壽遐齡額學院張獎松筠濟美額先後表之已守節六十二年

錢氏丁步蟾妻夫故氏年二十八歲守節四十一年沒

盧氏傅松發繼妻夫故氏年二十八歲撫前妻子女  
成立孝孀姑已守節四十六年

姜氏梅泮妻夫故氏年三十歲事翁姑撫孤節操堅  
貞已守節五十四年

王氏龔其章側室夫故氏年二十八歲敬正室撫孤  
守節已三十三年

王氏賁世元妻夫故氏年二十歲撫遺腹子教之讀  
書孝翁姑尚節儉茹素守節已三十二年

王氏儒童田萃妻夫故氏年二十六歲守節二十四  
年

黃氏朱文昇妻夫故氏年二十六歲孝邁姑生死盡  
禮撫兩孤生子孤沒撫孫守節五十年沒

繆氏陳彭歲妻夫故氏年二十七歲撫姑守節已四  
十四年

徐氏繆譽遠妻夫故氏年二十九歲事翁姑孺慕惟  
殷撫遺孤心力盡瘁

施氏丁文甲妻夫故氏年三十歲立嗣子繼宗祧守  
節已三十二年

翁氏陳彭齡妻夫故氏年二十八歲撫孤守節紡棉  
自給守節四十二年

徐氏蔡長青繼妻夫故氏年二十八歲事翁姑晨昏  
視膳撫孤守節族人敬禮其人壽四十四

朱氏顧長興妻夫故氏年二十四歲事姑撫孤姑沒  
營喪葬為孤立業已守節三十二年

任氏許伯慶妻夫故氏年二十四歲家道中落勤鍼  
黹工奉姑甘旨守節五十六年沒

王氏段錕妻夫故氏年二十七歲勤鍼黹工養翁姑  
朝夕撫孤守節已四十六年

姜氏富安場王西權妻事跡闕

繆氏栢棧場徐履祥妻事跡闕

民國東台縣志稿

烈女

十四

周氏栢棧場徐進書妻事跡闕

郭氏鹿汪莊袁鑿妻夫故氏年二十五歲子增瑞繼  
沒撫遺腹子增福成立守節五十六年壽八十一

郭氏鹿汪莊袁汝弼妻夫故氏年二十八歲守節撫  
孤壽七十六

錢氏安豐場丁元明妻夫故氏年二十八歲守節撫  
兩子有成沒年六十九歲

孫氏張斗融妻夫故氏年二十七歲守節四十九年  
祀節孝祠

戈氏朱正韶妻夫故氏年十七歲守節四十七年沒

丁氏富安場崔國鈞妻夫故氏年二十七歲姑憫其  
青年獨處勸之他適氏貞心自勵歲飢潛割髮易  
麥麪供姑餐自飲其湯壽八十七

王氏袁家苴何德福妻夫故氏年二十六歲孝姑獨  
支門祚撫姪成立因勞身逝守節十二年没

胡氏角斜場申濬繼妻夫故氏年二十八歲撫孤璨  
成立守節二十八年没

許氏崔昌濤妻夫故氏年二十三歲已守節三十四  
年

申氏富安場王德華妻夫故氏年二十九歲撫孤守

節五十五年學憲辛須節苦風清額

周氏墩頭莊劉榮妻夫故氏年二十九歲已守節二  
十六年

徐氏儒童陳文妻夫故氏年二十五歲守節三十三  
年没

李氏虞文瀾妻夫故氏年二十八歲已守節二十五  
年

張氏儒童王居槐妻夫故氏年二十一歲孝翁姑撫  
嗣子已守節三十七年

周氏張銘妻夫故氏年二十九歲已守節二十年

梅氏徐文進妻夫故氏年二十五歲已守節五十五年

王氏姚步湘妻夫故氏年二十八歲已守節三十年

陸氏吳正友妻夫故氏年二十五歲已守節三十七

年

丁氏葛自慷妻夫故氏年二十九歲守節三十七年

沒

潘氏王自濤妻夫故氏年二十九歲撫遺腹子成立

已守節二十一年

顧氏袁階妻夫故氏年二十九歲撫孤守節已三十

六年

楊氏張悅妻夫故氏年二十七歲守節撫遺孤三有

惡少潛入戶伺其寢強逼之氏拼死號救鄰人踰

垣入乃獲免眾嘉其節惡少懲於官越數年沒

方氏程扶南妻夫故氏年二十七歲節操堅守不事

櫛沐勤鍼黹工自度日僅一餐有餘輒與丐者

茹素守節已十數年

樂氏楊煥章妻夫故氏年二十四歲孝孀姑撫孤茹

素守節已四十餘年

程氏梁塚場王福新妻夫故氏年二十一歲守節持

齋逾十年没

楊氏西溪鎮王嘉祥妻夫故氏年三十歲立姪為子  
已守節二十一年

葉氏梁塚場單瑞芝妻夫故氏年二十七歲撫孤歷  
節已三十餘年

馬氏陳錫麟妻夫故氏年二十九歲孝邁括撫數月  
遺孤一年值水災所居墻圯姑病甚盜夜入氏取  
衣囊擲之曰願爾持此物去勿驚吾姑鄉人憫其  
貧投數千錢墮垣中氏不受顧無所返壁乃送賑  
飢局人皆賢其人守節三十五年没

程氏梁塚場梅文桐冢媳夫故氏年二十五歲撫孤  
守節已二十餘年

周氏東台場馬某妻夫故守節善事翁姑娣姒以其  
事翁也為蜚語誣之氏聞跪神前截二指誓曰果  
如人言當出<sub>血</sub>不止指落無血乃白自是不敢家居  
去葛家庵為女僧有以庵貧師嚴阻之者氏曰吾  
豈求安樂哉鄉人服其行爭助修其庵

增式廓焉

吳氏安豐場丁惟連妻夫故氏年二十三歲撫姪為  
子見壽八十七强健尤能任家事

蕭氏陸步庭妻夫故氏年三十歲勤苦持家教子成

立守節已三十四年

閻氏蔡天璧妻夫故守節撫孤琦入泮

吳氏劉桂妻夫故氏年二十九歲撫子女成立已守

節二十七年

王氏丁增榮妻夫故氏年二十九歲撫孤守節已三

十年

繆氏呂金鐸妻夫故守節已三十年

華氏林鐸妻夫故氏年二十歲孝姑守節

張氏繆董妻夫故氏年二十九歲孝姑守節三十七

民國東台縣志稿

烈女

十八

年

吳氏季永後妻夫故撫遺腹子成立守節三十七年

王氏徐鶴立妻事跡闕

王氏吉天慶妻繼生二女孝翁姑夫故撫前妻子成

立與夫原配馬同守節已二十九年

王氏陳啟堂妻夫故氏年二十八歲守節已十八年

王氏江立南妻夫故氏年二十八歲守節已十九年

杜氏陸鶴年妻夫故氏年二十三歲孝姑撫孤守節

已十三年

黃氏鍾瀛妻幼刲股以療母疾二十八歲夫故守苦

節以終

趙氏繆中樂妻夫故守節已三十五年

姜氏史如山妻撫遺腹子孝姑守節

宮氏趙錫三妻夫故氏年二十六歲守節

陳氏富安場王可仁妻二十七歲守節撫孤已三十年

郝氏詹怡泰妻夫故氏年二十七歲撫夫弟成立守節十八年沒

王氏吳王錦側室夫故氏年二十八歲以為人滌滲縫紉為生已守節二十五年

何氏富安場王連高妻夫故氏年三十歲族有強暴者欲奪其志氏迫鳴官全其節力田撫孤已守節五十年

丁氏張家灶吳芳梅妻夫故氏年二十九歲夫以病瘡成羸疾至十七歲姑命娶丁夫知識壅閉而氏執婦道甚恭夫沒氏哀毀幾絕無嗣已守節三十一年終

張氏西溪鎮王正祥妻夫故氏年十九歲姑患痢頻危氏籲天刲股進愈翁病氏復刲股以進得延二年立姪為子東台縣葛獎節苦孝貞額壽六十五

胡氏張呈貴妻夫故氏年二十七歲守節已二十七年  
顧氏張林普妻夫故氏年二十五歲守節六十三年  
鮑氏詹怡旅妻夫故氏年二十九歲守節三十年沒  
吳氏詹怡恒妻夫故氏年二十三歲午節撫三孤逾  
二十七年沒

王氏蘇裕昌妻夫故氏年二十三歲始終撫孤不變  
其節守節已四十年

陳氏曹榮華妻夫故氏年二十三歲守節六十年沒  
薛氏王成達妻夫故氏年二十六歲守節已五十年  
薛氏王錦鳳妻夫故氏年三十歲孝事兩代翁姑撫

孤守節已四十年

張氏韓廷鐸妻夫故氏年三十歲已守節三十一年  
申氏郭榮妻夫故氏年三十歲已守節四十三年  
張氏李成義妻夫故氏年二十六歲已守節六十三  
年

繆氏楊舜齡妻夫故氏年二十三歲撫孤至七歲夭  
殤家貧以紡績資貢姑餐因勞染疾壽四十六  
李氏唐埧趙映書妻夫故氏年三十歲已守節十八  
年

袁氏溱潼羅世琦妻性嚴正夫早沒姑邁同依夫伯

父光緒元年伯父又沒氏姑媳無依日以鍼黹工度活姑染痼疾氏日夜侍之姑沒喪葬盡禮茹素誦經至今人猶述其氏之守節云

羅氏富安場葉維藩妻夫故守節撫孤夫有友慮及操行匪易從遠道寓書於氏勸之嫁氏目之投諸火苦節堅守四十餘年沒

仲氏富安場謝公才妻夫沒有無賴子朱誘之嫁郤之朱又窺其獨處入其室擬污之氏遯去與女編屨為生女長適田家氏登上壽

崔氏富安場謝正雄妻夫故氏年二十八歲以姪為子守節苦度四十年愚懦性成頗似聾瞶想見操行之不虛有不待言矣見壽七十餘

周氏枌櫟場儒童繆熙齡妻夫故氏年三十歲食力自給撫孤成立鄉人多憐其苦節在氏宴如也暇時每檢夫之遺編諄諄示孤讀之

陸氏崔璜妻夫故氏年二十九歲撫孤守節三十八年

申氏文生何甲妻夫故氏年二十八歲守節三十六年

徐氏劉懋誠妻夫故氏年二十六歲翁姑繼沒力謀

喪葬撫孤守節三十年

楊氏姚家斷龐鳳遠妻夫故氏年二十九歲已守節

四十三年

李氏南蕩灶王德培妻夫故氏年二十八歲已守節

二十九年

劉氏左隆楷妻夫故氏年二十二歲孝翁姑撫嗣子

守節二十二年

王氏丁宏運妻夫故氏年二十五歲孝姑撫孤皆賴

氏鍼黹資以度守節已十七年

華氏李浚妻夫故氏年二十八歲已守節三十五年

崔氏朱燮妻夫故氏年二十九歲守節已二十九年

楊氏王嘉桂妻夫故氏年三十歲家赤貧矢不二夫

人或以富者守節易貧者守節難煽其志氏切齒

黜之曰婦人守節為分內事焉論其富與貧哉聞

之者愧辭自是無有勸其改嫁者食力自給晚年

賴有夫弟養免其飢凍守節已三十年

楊氏彭志揚妻夫故氏年二十七歲已守節三十三

年

吳氏傅醴泉妻夫故氏年三十歲孝翁姑撫孤守節

四十三年

王氏周庸壇妻夫故氏年二十三歲已守節五十三  
年

汪氏周霽妻夫故氏年二十五歲已守節四十四年  
沈氏周樹德妻夫故氏年二十八歲已守節二十七  
年

蕭氏梅藍田妻夫故氏年二十五歲守節二十六年  
沒

魏氏徐自鶴妻夫故氏年二十八歲已守節三十年  
房氏王祚齡妻夫故氏年二十一歲撫孤受室孤沒  
得孤之遺腹子氏更撫之姑媳先後守苦節已三

十年

陳氏方德旺妻夫故氏年二十八歲守節四十三年  
沒

袁氏王加濤妻夫故氏年二十九歲守節已五十三  
年

吳氏梁燦場練甲妻夫故氏年二十六歲撫遺腹子  
成立已守節四十三年

周氏梁燦場練燦華妻夫故氏年三十歲孝姑撫孤  
守節二十二年

仇氏富安場儒童楊世和妻夫故氏年二十六歲撫

遺孤三多天殤守苦節二十三年沒

郝氏角斜場黃佩之妻夫故氏年二十六年孝姑姑沒氏貧無所依依適詹嫡妹守節二十九年沒

王氏富安場儲德松妻夫故氏年三十歲姑患瘡瘍六年醫葯兼備撫孤成立已守節三十九年

丁氏王家甲妻夫故氏年三十歲立姪為子守節六十六年沒

顏氏安豐場方煥瓚繼妻夫故氏年二十八歲守節撫前妻子樹榮孫慶餘入泮已子文鈞成立鈞子引年亦入泮里人多以為守苦節之報壽七十二

孫氏富安場崔宗桁妻夫故氏年二十九歲家貧以紮義髻資養翁姑撫孤讀書氏多方謀束脩厚以奉師蓋苦節中之孝慈兼極者壽三十五

錢氏富安場周發芸側室夫故氏年二十七歲夫沒氏哀哭絕食者數日姑勸慰之乃進食轉慰姑心數十年事姑最能承志勤勞撫孤守節已二十九年

陳氏何塚場金棣華妻為登甲女嫁未四月夫病歿氏年二十四歲守節撫姪為子事翁姑如父母翁姑沒鬻奩為殮葬又招夫堂弟樹堂歸為受室同

居食弟賴氏以生其重夫之骨肉盖如此以積勞  
日久成沈疾醫不治未久樹堂生一子氏一喜而  
病釋人謂篤天性之報云守節已三十二年

崔氏富安場徐雅堂繼妻夫人族祖剛毅公軍幕行  
營至臨淮關夫死戰所時氏三十歲守節孝孀姑  
撫前妻子教以種海田十數畝自給歲歉田無所  
穫日夜編履織蓆舉家籍氏得以度活姑沒殮葬  
盡禮已守節三十八年

張氏安豐場季家莊儒童吳永照妻夫故氏年二十  
五歲遺藐孤二長時四歲次甫八月氏教養兼至  
使為鄉里好人氏由夫沒後茹素自甘清潔自厲  
無絲墨纖維染之悲數十年來場人恒推重之在宣  
統三年壽已六十七

崔氏富安治文生曉蘭女盧祥雲妻三十一歲夫故  
雖平居閒靜有禮日晨起得鍼黹工每易紙錢香  
花祀灶禮阻持齋誦經足迹不履戶外壽約六十  
無嗣

古迹

南窯河 在富安場新河東距場九里許至今窯之  
河址猶可尋

璋南窯河詩河以窯名久相傳有北南荒煙猶  
羃羃舊址費尋探婦孺知編蓆兒童學種藍野  
人遙指點隔水認<sup>茶</sup>椽庵

荷花塘 在安豐場一倉壩東水甚甘大旱不竭咸  
豐六年河水涸幾千里場人多賴此水得生

雁溪一名雁塘 在安豐場二倉河北明心齋公故  
居側

葭園 在仇湖徐樞蕃別業袁承福輩嘗吟詠其中  
竹香樓 在安豐場署東見舊志方技門

冢墓

明仲仁公衣冠墓 在安豐場二倉壩河西公從戎  
四川屢敗苗蠻卒沒於戰所用兵器杖履浮水回  
歸家人配衣冠以葬公為心齋公高祖事載縣志  
忠節門有傳

明王孝女墓 在安豐場月塘河東事載縣志守貞  
孝女門有傳

臧墨濤吳秋吟兩詩人墓 在富安場月塘灣事載  
縣志流寓門

璋詩序序墓同在场治西筆架山東王家塚前

古柏四株西北一水環帶木梁短架曲通墓道  
臧為浙之長興縣人沒乾隆間壽七十二絕命  
前有詩初月將弦暑漸收富安山寺病悠悠生  
離死別尋常事天上人間兩樣秋碧樹不曾移  
紺殿涼雲直欲近龍樓從來四大原無我七夕  
吟成笑不休海安鎮祇樹寺僧若水為題其墓  
有石碣存焉吳為徽之歙縣人客次揚州乾隆  
間來場之同鄉家沒嘉慶二年壽六十餘絕命  
前有夢發黃鶴樓一聯云白雲影裏人騎鶴黃  
葉聲中客倚樓墓前亦有石碣存焉迹以墓皆

隕廢同人招璋為之重修成一律用臧時原韻  
并為小序以補縣志之未逮云詩兩人詩骨得  
人收芳草吟魂往事悠浙水遠隣千古別徽山  
遙悵百年秋生前舊好僧題碣夢裏先機客倚  
樓黃土重重封更固於茲雙冢表無休 橋頭  
單文煜和原韻坏土遺骸虎阜收蓮峯箸水去  
悠悠兩人詩醒百年夢異地魂消七夕秋料得  
白蘋曾打漿可能黃鶴再登樓墓前石碣斜陽  
裏古樹寒鴉噪不休 如皋顧元輅和原韻二  
君遺骨海濱收坏土荒涼歲月悠顧渚已醒歸  
休

國夢黃山空吊隔江秋墓門老衲曾題碣山寺  
何人更倚樓獨有高風王伯起留詩作傳表無  
墓 詩人袁承福墓 在梁塚場開家舍與詩人吳野人  
墓接壤邑侯周題其墓碣曰詩人袁嘯竹先生之  
墓

劉進士墓 在富安場兔兒塘東劉名光斗字錯山  
關東海城縣人道光二年壬午科進士沒咸豐八  
年壽七十四

璋 謁劉進士墓詩曰楊風裏吊孤墳墓道平疇漸

不分寓館古籐蘋易主荒阡宿草幾斜曛花封  
政俗龍無吠葛帔兒孫雁失群繫馬披蓁聊雪  
涕當時曾讀太元文 文壇杖履憶追陪華屋  
山丘劇可哀骨肉一門飄乳絮殘書百卷散飛  
埃寒狐窟處黃腸見海霧昏中白草衰地下修  
文知信否九幽荒幻動人猜

醫士王錫騏墓 在富安場油榨頭運塩河北岸為  
東西往來要道離場市二里

璋 孫拜墓詩海雲深處墓門秋風脈相期世澤  
流夙妥先靈高塚壙令從餘地茂松揪西南去

水綿二派左右長橋駕兩頭遠挈兒曹羅拜際  
私心敢望眠牛璋父母嫡兄嫂蘇李四胞妹瑄  
皆附葬其地

寺觀

古大聖寺一名西寺 在富安場道光十八年五月初六日夜大雄寶殿燬於火里人率僧志宏同徒定然募金重建

璋

過西寺小園詩寥落如僧侶相隨到小園桑榆橫壓境橘柚遠連村霜老鴉翻樹風高葉打門清貧宜藿食何事列雞豚

延壽庵一名站佛庵 在富安場都天廟前建年失考殿之東楹有佛赤身孤立長及二丈金容灼灼頂上有紺色肉髻盤繞層曲舍利子突出其中左

手擎明珠一粒對視色相或以喻物自在之意右手長下於膝掌無一物又或以喻接引衆生之意黨釋典所謂丈六金身者非耶咸豐間有庵僧達尊者下知所自篷頭垢面躬身短足依斯庵供設香燈誦經參禪暇則募金修整道路一時人皆慕世行為之重興其庵

太平菴 在唐家洋王連聃建東廂三楹

豐樂庵 在富安場王家墩道光十八年王文質同姪孫可長建正殿三間

妙香庵 在楫棹場有場之徐榮達者貿易他鄉舟

中遇一術士言君須早歸專事淨業上壽可卜不  
則壽不永矣徐諾其言歸買繆氏故宅為庵顏之  
曰妙香益取杜拾遺心清聞妙香之意於中樓殿  
台榭月廊花逕勝甲濱海咸豐初更在斯庵附設  
諸義舉力行有年一意如初榮達壽八十餘斯庵  
多游客造詣一時集題吟咏諸作

仙釋

崔浩然富安場崇寧觀道士生康熙間為場之田家子風骨高超大有仙緻功與群兒戲范堤上來一青袍藍冠者相視喜曰爾夙有道德終必飛昇復以手摩其頂而去越數年母没父邁浩然以御車為生所值必歸以奉父父没便至觀奉道定元氣知一切未來事月夜每操琴音多鄰室及壯游海上諸名山有郡守某詣訪餽海外一顧額今觀為僧舍額廢去

釋潤山安豐場徐氏子幼好讀書不喜茹葷終年身

淹疾苦因至藏經院頤養氣體日親釋老經偈上口輒成誦遂落髮為僧道光間之吾里玉皇閣住持尤加修行置有田畝一日坐禪良久不聞口鼻間有生氣出納徒輩見之泣曰師今西去何日來歸師啟目視之曰予適參悟禪旨說甚來歸西去越數年坐化壽七十一

釋濟真鎮江北固山僧咸豐間避紅巾乳之安豐場普濟院過午不食徹夜跌坐不眠有因鬼崇致疾者得其懺悔疾遂霍然後無疾坐化

釋文宜富安場穆家莊積善庵僧晚年好念佛雖午

夜不廢其事以庵墮廢募修及數寒暑積勞有感  
殿宇從新觀者無不為之欣然詎徒輩嫉師功行  
多忤之由斯文宜外出不知所終

藝文記

重修大悲庵碑記

鄭燮

惟無乃能造天下之有而有不能造有也惟虛乃能受天下之實而實不能受實也大悲庵之建即是道矣順治康熙年間有僧悟明篤念佛無塵事舟中人延而供之師弗樂復買地於安豐之周家橋西結茅編籬僅蔽風雨經聲達戶外人愈敬之致木數百頭甑瓦數十萬夜叩其門轉咒不應破門入師辭曰何處不可施舍獨此耶衆皆赧去遂以茅屋終厥身是始開山已了得一箇空字師病人問所托曰吾兄含

珠可珠來重起佛殿又造韋馱殿緣未至強為之累債無算圓寂時無含飯也其徒法樹克成師志法樹有徒禹平又善成法樹之志相與忍飢寒勤作苦捐口食積錙銖幾年盡完夙逋更作西廂別殿而此庵遂構成全局乾隆十七年壬申有歙縣徐公肇成司馬昆玉與法善庇悉其清修爰發大願謂佛殿湫隘宜崇興之鳩工庇材費錢六百金群助者半已捐者過半更捐置田園田一頃以供香火而大悲菴遂巍然黝然矣夫徐公之樂善喜施皆法公之道行有以感之也法公之經營修造皆其徒禹公之辛勤勞苦克

成厥志也法公師弟之創修又賴其先悟公暨含公之茅屋不葺藜藿自甘苦志以終而乃食報於子孫之克振興也由今溯昔大悲菴之自無而之有自虛而之實豈非無能造有虛能受實之明效大驗哉歲二十一年丙子春余罷官過安豐時法公已沒其徒禹公請以碑記歙邑徐公司為為之勒石備斯庵之始末也

### 角斜場豐備倉記

角斜場之有豐備倉義場大使閔君貢甫所建也其法倡於故總督兩江陶公保澍君以為備荒善政指

資與場之矜士議行之君於角斜多惠政故令出而下應之如響其捐錢也商人以引計灶戶以桶計數多寡不等合計之歲可得數十萬錢歲輸之則備穀之財不勝用而水旱不為災矣初陶公之議此也視歲之上下歛散之不借貸以權利君遵其法行之惟於陰雨稍久場不能產鹽煎丁乏食量為借資遇晴則償其本歲小侵亦然大侵則分按灶丁之貧者以散之此其施設之大略也倉建於場署之右始終道光十四年冬十五年春成凡神祠官廨役舍無不具其屋十五楹以矜士申大鵬等司其事迄今已十年

穀將不勝藏乃謀拓地以廣其儲君既喜其行之有效而又恐其久之不能無廢弛致良法美意之蕩而無稽也於是集其籌議章程命其族弟希濂寓書於桂曰願有記也桂聞之而歎曰嗟乎昔朱子於崇安行舍倉於舉在不為之時而民享其利今君於斜角場以豐備義倉為美法而力行之其猶朱子之意也夫夫法之不能無廢弛亦在後之人耳要惟當吾世而善其為之之術力圖有利於民斯則仁人之用心也夫今之民窮矣應罄之輩十室而九雖未水旱已不勝其憂勉圖補苴庶可餘為之備而弭患於無形

顧桂聞陶公下議之時奉行者不數數觀其勸之而下不以應歟抑以其事之利於民而不利於官歟夫歛民自有之餘資而濟民之不足已非古委積之政然尚不失藏富於下之意因利而利惠孰使焉而行者尤其難之無恠乎民日窮而無如何也誠得如君輩者為州縣於天下尚何水旱凶荒之足煩

當三憂哉而惜乎限於其職而不能廣有所建也君名廷楷烏程人倉之用地縱十二丈有奇橫九丈有奇錢二千四百貫董其事者灶衿申大鵬湯銓湯錦王紹裕等也時在道光二十九年春三月烏程丁

桂 譔

重修甘露庵大殿記

歲貢有忠言文集小築山房詩稿縣志文苑

錢青田

鶴安仲

富安場甘露庵始自里人鳩金祈雨既雨乃哀餘金以構之因名曰甘露亦以志喜也其庵初於

本朝初年朝南大殿三楹內供大士神像朝東廓房三間為住持淨室雖非上刹抑亦奉佛修因之所且昔人緣志喜而成原期垂之以遠所謂有其舉之莫或廢也奈由昔距今歷有歲年漸致殿宇傾圮本場崔君宗山樂善好施人也目覩茲庵形勢恐其日復一日不致廢為瓦礫荆榛不止久思獨任修葺乃事

朱果而遽沒令其嗣君清遠楚葵兄弟承伊先人之志慨然捐資百金重修大殿自戊寅秋開工閱兩月告竣棟楹整飭黜堊輝煌無殊新建殆不愧善繼善述而又不沒創始者之苦心歟余深喜其事之有成也故樂為之記俾後之覽者知所歸美焉乾隆二十四年歲次乙卯冬同里錢青田譔

東台翟先生墓誌銘

張 謇

東台翟先生以光緒二十三年三月二十一日卒春秋八十有三於是旁近州邑東脩耆儒益寂矣先生諱登雲字叔展曾祖季挑桃晚以年德聞於縣官薦膺

粟帛之資祖秉禮本生祖秉忠恂恂閭闔並有繩矩  
父榮袞歲貢生通習經故工制舉之文學子著錄前  
群彼輩莘莘庠門一時最盛世稱鏡山先生者也先  
生嗣為之後亦號望山種學屬文敦帥師先獲試於郡  
守院使連蹕駕其曹方在鄉鬻青鎖委它而韶聞茂  
實以響流於邦域矣咸豐九年年四十五鄉舉獲售  
士嗟其晚一上春官遂輟輪軌就官訓導未謁選司  
時太夫人垂白在堂修白華之養有終焉之志為縣  
西溪書院院長三十餘年手批口講務叶經義門徒  
大半上科成名家居卻埽屏外世事客叩其扁庭除  
蕭寥令長監司欽聲測望時以下車按部即訪政要  
一襄裁振佐勸桑綿章嫠字孤不泄悍窳闡宋小學  
敷訓于童蒙邑子富家嘗邁急獄奉金為壽覬關吏  
而鮮心弗義焉正辭斥謝盖道固其身故貞廉而不  
劇政成於家故孝謹而能仁古之所謂不皦不昧安  
順無私允矣君子操行殆庶至乃令長致式廬之雅  
監司有榜亭之旌鄰士楷模國人矜式要之好善在  
人不以增重妻興化袁氏寶慶知府青綬之女男子  
二寶源舉人寶書增貢生為後於世父女子四皆通  
士族孫四錫文縣學生女孫二曾孫一卒之明年某

月日葬縣北二灶某源原寶源其禮請銘銘曰大字宇塅

札霧塞冬冥皓皤鼎軸而邦是傾而民弗卹而土弗興墟墓之氣命為生榮何如一老遐栖滄溟歎不非粟履不非程虬蟠鳳逸以全其身不作天日以有令名堂堂百歲魂氣寧清我銘匪激諗彼孤卿

清故東台縣附學生員鮑君墓志銘

劉壽曾

君鮑氏諱振儀字宜甫先世由歙遷江蘇泰州分縣為東台人曾祖諱俊祖諱伯桃父諱煌國子監生本生祖諱伯起從九品銜本生父諱杰國子監生君幼

民國東台縣志稿

藝文

三十九

而專慤讀書肄文字善往復務達其意年二十補諸生廿三治宋儒書奉橫渠以心為嚴師之說與同縣張君式銘唐君繩武切礪講習立日譜糾察身心以省過為先務以聖賢為必可學以躬行不逮為大耻君事親最孝能竭誠致懽心於兄弟尤有深愛諭教兄子非法語不道門以內載君之和光緒七年九月十三日君以疾殉於家春秋二十有七先是君之本生母張多病晨起必禱神佑母疾以蠲君之未遘疾也有推母星命者曰今歲有凶踰某日則免某曰者母生之日也君大駭其疏禱於神曰母有灾害乞

回換已身祕不使家人知及疾綿憊猶張目問曰今  
已某日否既歿君兄聲甫檢遺篋得所為禱神疏者  
校君之亡日即術者所推次日也人以為孝感君取  
於蔣無子以弟振閔之子賡揚後聲甫將以明年  
月 日葬君於東台何塚場西海團之原書來乞銘  
壽曾與聲甫為執友君又與吾弟富曾相知也其忍  
不銘銘曰猗嗟之子哲而秀削其中温然執虛守約  
孝子友乎渠型一鄉東海之濱性學芽萌損齡康親  
是謂正命悠悠蒼天鑑卑聽聰脊令在原愬哀朔風  
卜壤孔臧妥此幽宮

化城庵瞻僧田碑記

張慎言

佛法空諸所有有待為煩然佛子住持為紹隆佛禮  
計而不能無待者接衆之資糧以故擇地建刹津梁  
往來瞻給不匱可以經久而傳遠則惟置田嘗往之  
為善云泰州富安場之有化城庵蓋自密證如公始  
公為金陵法師西竺之入室法嗣自竺應講至泰時  
庵僅施茶數楹州之善信衆居士輩延公住持此崇  
禎二年事也行業精勤經理有節寔修感衆行脚如  
歸自是曠其舊址次第鼎新山門大殿庖<sub>滷</sub>齋僧寮凡  
安禪接衆之具一一嚴飭而安隱為州之孔道一大

叢林矣公曰六時禪誦香燈祝釐開發行願延輝佛  
曰此住庵者之責然其間資以成就者擅信金錢是  
恃茲幸一時雲集寒暑晦冥接待日益水旱頻仍供  
給猶繼斯固長者佈金之力顧安得常此不窮乎因  
做常住瞻田之制實心勸緣居士盧君首捐田三十  
畝倡衆於是衆信合力價買丁姓灶糧田七十畝合  
共得田百畝價浮原額交割公平足垂永久公曰置  
田瞻僧住者來者不患無繼然功德緣起無以詔後  
安知今日勝因不為業種可勿早計乎特走金陵介  
魏國上公丐余記其事于石余惟必芻行遙日中樹  
下幻化隨緣於世何有至於紹隆三寶則須究竟堅  
固不惜生命持之庶幾經久而傳遠公實行感人人  
樂景若此使繼之者實能心公心勤無替則泰場佛  
事詎不日新月盛哉若夫莫與善承業種可懼佛法  
僧物衛護者昌余故別白相語無問僧俗永相樹勉  
告誠可大明崇禎十七年春李徐宏基書丹吉旦勒  
石

藝文

由富安場大使任陞任貴州龍里縣知縣於重陽日五佛樓登高留別吳秋吟諸子

靳光宸

薄宦年來類轉蓬登高喜得素心同即令虎阜分襟淚卻遇龍山落帽風酒盡征帆排檻外詩成秋風滿樓中莫嫌蕭寺斜陽暮霜葉如花晚更紅

秋陰

王蘭

點點復聲聲秋天不冝晴野花當路發蔓草越籬生骨瘦寒偏耐衣單葛未更閒愁消莫盡休倚酒為兵

新秋夜發

前人

鮮纜微風送遠征新秋天氣夜尤清舟湜兩岸蘆中出人在三更月裏行貫酒荒隄茅店熟分燈別港釣船橫心忪百里徧難到數徧前溪路幾程

虎阜移家

戴煊

渾迹魚鹽學隱居門遮敝蓆稱吾廬打頭偃仰三間屋娛目優游一卷書東海朱霞迎曉日北窗綠畝種春疏乾坤莽莽家何在但得身閒樂有餘

韓修廬齋中賞菊

茲廬有別趣秋色一軒藏澹處得高致冷中含妙香

好風延客至飛盞比詩狂昨日重陽過黃花分外黃

讀書紫竹禪林

薛順昌

苔緣竹逕晴猶溼日轉桐陰夏亦寒四面短垣都進  
水野禽飛上石欄干

讀書聲裏燕歸梁新月窺人到上方為愛晚涼窗不  
掩棟花風過硯池香

清宵無夢到維摩得句燈前墨慣磨修竹數竿蕉幾  
葉小窗連日雨聲多

禪門深鎖寂無譁<sup>跌</sup>坐中庭對月斜香雪沾衣渾不  
覺微風吹過落藤花

客中懷韓杏村

僧 笠 仙

相隔無多路相逢何太艱總因貧所累未許客同閒  
怒發華花艷詩成庭草刪欲招君共飲何日買青山

撰述

大學補傳古孫家莊孫喬年著

吟香詩鈔二卷富安場崔起球著刻

東台縣志嘉慶二十一年知縣錢塘縣人周右纂刻

海燕草堂詩集四卷梁塚場周庠著刻

雙桐書屋詩鈔安豐場徐階著

野矢吟詩集安豐場周治著刻

尊天爵奕譜流寓角斜場歙縣人鄭液池著阮文達

公序刻

周易爻辰貫三卷 東洋海口圖 東洋入海圖

民國東台縣志稿

撰述

四十四

七府水利全圖 東台水利議時堰馮道立著

十和石鼓歌一卷 和陶集一卷楛棨場繆禹鈞著

刻

團練防勦靖氛要畧 婺源縣西門鄉人流寓富安

程徽五著刻

雜記

吳兆蘭字丹谷閩之武生販菸草為業列肆於富安場新彝酒樓東嘗蓄伺門犬三同治十年吳沒其子不克繼父業司會計者星散宅鍵犬之食遂斷三犬中有白質黑章者獨悽惶不忍去吳之鄰哀其窮而飼之犬終不食延數日竟斃里人高大之義而哀其死座之河側璋偵知其事復為移葬高阜樹石誌其巔末

璋銘盧令令獸之種舍生取義亦何勇彼物物者胡不自重於乎義犬兮可以風

潘儀字竹村徽人先世以業塩來本城遂奕世僑居焉儀善画工詩歲必至如皋賣画凡數十年晚年訓塾城之富倉巷没光緒九年壽八十六璋鄰潘建中其族姪也當儀没之夜見儀挈小色果至謂曰吾之如一游塾中有瑣瑣事好為吾儘之耳覺而哀耗果至

風車為縣境水鄉岸水灌田之用其製中建木為機心以利旋轉回傍篤木為之廓繫以篷八或束蒲或束草所成微風則全張之疾風則半張之其卷舒繫以繩四傍牽以篾簾或鉄簾堅置之其下駕

以輪輪有齒風動則與水車額頭之齒遞應自為  
轉易以代人力第水鄉地皆平行水亦平行他處  
則非所宜所謂選地弗良也然亦足補古經之闕

身世表

予名璋字夢楸晚年號塵海迂叟生道光十八年五月二十五日辰時世居東台縣富安場治母韓生予時夢一叟立林木巔投以香楸故字之父植三公歿予只五歲困於病不能向學兩兄琨深與予析居予甫十四歲以租產盡廢衣糧自給十八歲始讀書咸豐六年秋遇場主鄭小山名恩銓浙人監生曾任江西玉山縣縣丞延司賑災事八年遇特授安豐場大使惠緘三名金銘陝西蒲城縣人監生延司核算事將之任歿本年娶妻盧生女字儀徵縣茂才徐葆康

九年客如皋遇管敬伯江陰縣舉人保奏天下第三才子以知州用延司江海新淤生科事次年秋管沒去盱眙縣遇勝克齋名保官太子少保正藍旗漢軍都統霍勇巴圖魯督辦安徽全省軍務延司文案事勝次年被議十一年秋遇縣主高鳳卿名桐附廣東舉人微服見過高歿次年秋同治二年冬十一月長子仁熙生遇陳竹友名松文生浙之東林山人幼有神童之號贈予楹帖云君能守分兼安命我敢憐貧且愛才遇宋禮園名鬻浙之菱湖鎮人由副貢中正榜官八旂教習花翎運同銜署高郵州將之任歿為

江蘇學政孫亦何受業恩師延司釐捐事四年秋宋  
歿里人招同勗育嬰堂二十六歲妻盧歿十年娶妻  
崔十一年生次子仁薰客海安鎮遇潘瞿齋名城徽  
之歛縣人花翎四品銜江蘇陞用知州延課兩子同  
祖之澍逾數歲澍入學又賑粥三日米價分六年償  
清至三十歲祖母崔妹瑄妻崔母韓皆繼歿十一年  
春遇老友陳子勤名克劬鎮江本城舉人延代續纂  
揚州府志采訪東台縣事遇邑侯歐陽雙南名錯一  
字雙橋廣東三水縣舉人同知銜花翎董予蠶桑紡  
織事四十歲客本城事醫課子光緒初年編東台采

訪見聞錄四卷十五年春施種牛痘十六年熙男娶  
妻仲十九年翟衡齋名洪銓解元分發廣西知縣在  
見聞錄內錄去三十七條并約予他日同修縣志二  
十年冬儀徵縣廩貢程蘭畦名畹延予分采東台縣  
忠孝節烈提請旌表二十一年熙男擢泮二十四年  
編保壽方四卷主義田孫二十五年復訓塾如皋遇  
學官王心鏡名德昭礪山縣廩貢選去予詩三百首  
奇夏熏男娶如城文生韓師琦嫡姪女女未半載沒  
琦一生賣文養母克盡孝道二十六年縣主陳企南  
名紹棠浙之鎮海縣廩生信至予次年二月微服過

予晤談性學人多疑予將為董事用洋蚨往謀止之此愛予以潔也夏檢吟稿集二千四百首奇八年春募合觀音救苦膏送貧病者夏時疫大行募合丸散送人次年春施種牛痘作自輓聯額二十九年薰男娶如城陳玉秀女三十一年冢媳歿次年冬遇縣主沈均平名兆禔江西省城舉人大挑面商續采縣志並示贈東台采訪見聞錄三十二年夏熙男娶安豐場治儒童丁貢南長女三十三年春遇夏虎臣名寅官廩生翰林會試同考官江西候補知府嘉其見聞錄用筆細致為他日有用物以番餅四十枚購之予

辭餅贈錄三十四年夏熏男生子名義精遇呂厚安名福倓浙之上虞縣人諸生同知銜花翎江蘇即補知縣總辦東台釐捐邀予接談鹽課祠事迹宣統元年冬江都縣吳紹康司京師晨風閣叢書社總經理信予徵生存已歿詩得同人四百首奇名寄燕集次年夏寄住三年春縣主何階平名元泰浙人翰林奉總制張修兩江通志采訪本縣事董予分采富安場事宜每月獨送予束脩錢三千文為襟炭之用至今一錢未餽民國壬子元年編迂叟隨筆二卷二年勑

王氏支譜四年作舟弟示編存遺集一卷

一名同人集